

聞人氏痘疹論

開人氏痘疹論卷二

以藥發之稀盛不同者何第十九

是瘡疹證熱數日而不發見者進退皆難便欲大發之懼其本稀而成斑爛不發之又無以出其毒氣古人立論始以藥微發之微發不出則加藥加藥不出則又發之又發之後所出不多氣候和平無他證者卽是瘡本稀不可更發也以此言之發不

至太過守不至不及乃用藥之圓活也
不可妄發及妄下者何第二十

嘗觀傷寒邪在裏則不可妄發汗邪在表
則不可妄下瘡痘之不可妄發妄下者尤
甚於傷寒雖然治瘡疹之家有云非微汗
則表不解非微下則裏不解者何也予應
之曰此說微汗則在表熱方熾斑點未見
之先微下則在病之始及病之末裏熱壅

實之際何嘗於瘡痘正發作之時而輒施汗下哉是故非通達有識之士不足以言醫蓋妄發之則成斑爛妄下之則成虛脫不可不審如治傷寒之法表和裏病下之則愈汗之則死表病裏和汗之則愈下之則死亦此理也

非微汗則表不解者何第二十一

瘡痘之源雖是蘊毒然必因天氣暄暖或

感冒風寒及諸熱不解然後斑生方其發
熱斑未見之時得微汗解散則雖爲瘡痘
其熱亦輕此所以言非微汗則表不解也
蓋其證身熱頭疼鼻塞咽壅痰涕咳嗽面
目赤色皮膚緊而脉數此皆熱極之故當
此之際毒氣亦不輕若得微汗少解則可
以折其方來之勢升麻湯等主之如斑點
已出則慎不可用又有因服發散藥邪毒

之氣隨汗作白珠子或出小紅瘡應手而解者不可不知也

升麻湯方見前第八條下

非微下則裏不解者何第二十二
病有始有終有末三者不同不可一槩用藥且身熱脈數大便秘而腹脹此熱毒壅遏未見形狀者當微下之非微下則熱不減此是始者熱在裏斑未出之時也若斑

點隱隱在肌膚中者是已發越在表瘡正
發時則不可妄下也又有結膿窠瘍死之
堅脉尚洪數能食而大小便秘此表已罷
裏有熱毒宜微利之大抵臟腑有熱往往
利大小便者以其主出而不納故也

大便如常者何第二十三

胃中主腐熟水穀大腸主傳送已化之物
此平居察虛實冷熱之處蓋飲食進退則

知人穀氣之虛實大便滑澁則知人臟腑之冷熱今大便如常則是其中平和無過冷過熱之患不必溫補亦不可妄攻擊然則大便如常是亦瘡疹者之一順也

戒輕用利藥者何第二十四

病勢自有遲速用藥者當度其宜可速則速可緩則緩凡瘡痘非合下證但當以平和藥持之乳食調之避風寒以溫之如已

見三五日而尚未快出者可微發之微發不出則加藥加藥又不出無他證者卽是瘡本稀不可更發也今人纔見發之不出往往便下使其人內虛欲出者因利而不不出已出者爲陷伏爲倒靨變壞歸腎以脾土弱而腎水反勝故也錢氏論以百祥丸下膀胱毒則脾土再實瘡痘復出要之與其下膀胱毒於黑靨之後莫若保脾土於

未下之先則不下爲愈亦有三證一疥癬
二瘡癰三目赤故前人論曰斑點未見蘊
熱壅盛毒在臟腑宜預下之又牛黃丹證
云瘡痘出定大便不通膿汁不乾者可以
下之以此觀之當下是病之始未出之前
及病之未已出定之後非正出之時可下
也大抵用藥治病能隨證殲洩斯爲良法
至於或用下藥者實出於不得已如傷寒

有承氣之戒皆慎之至也雖然有當下證而不卽下又爲失下之患所貴乎審變細察耳

百祥丸

用紅牙大戟不以多少陰乾漿水
煮軟去骨日中曬乾復入元汁煮
汁盡焙爲末水丸如粟米大每服
一二十丸赤芝麻湯下

有可下證者何第二十五

瘡疹出得太盛當結膿疮疤死而不結者
此是毒氣內外貫注若不速解之毒內入
攻心爲害極大治法宜猪尾膏其有不結
膿疮疤痕及能食而喘腹脹譫語不大便
者當以承氣湯下之如熱甚而渴而赤悶
亂大小便澁或大吐者合利其小便通關
散主之或瘡疹已出定膿汁不乾而大便

不通者宜牛黃丹或有瘡疹證而未見斑
點胃熱潮佳氣鬱脹脹大小便秘驚悸煩
渴脈沉滑而數者此是毒氣盛而不得泄
亦當藥下之則內無滯塞榮衛升降其勢
將自出皆合下證也

猪尾膏方見前十五條下

承氣湯方於前此語詔妄言大便不通
手心腋下有汗目睛黃赤喘急

者宜用之

厚朴

八兩

大黃

四兩

枳實

壹兩
剉炒

右爲麌末每貼五錢用水半盞煎
貳分溫服以利爲度如不利加芒
硝壹字

通關散治斑瘡水痘心悶煩躁發熱及
便便赤濤口舌生瘡此藥通心

經利小便

山梔

壹分

大黃

壹分
炒

木通

參分

甘草

參分
炙

車前子

參分
炒

瞿麥

參分
炙

赤茯苓

參分

人參

參分

滑石

參分

扁蓄

五錢
炒

右用水一盞燈心二十根煎半盞

溫服

牛黃丹治瘡子出定大便不通瘻中勝

水不乾

牛黃

壹兩

大黃末

壹兩生用

粉霜

壹兩

真珠末

壹兩

右研勻煉蜜丸如黍米大每服十

粒人參湯下量兒大小加減

有發出有溫出有解毒者何第二十

六

病有輕重善治者能令重者輕輕者安和仲景論治傷寒謂隨證發洩是也且身煩躁脉促喘滿有瘡疹證而斑點不見其熱未退者以麻黃湯等發之若斑點纔見卽止後無此謂表發而出之也或稟受怯弱胃虛冷大便自利而手足厥逆者炮乾薑甘草湯益黃理中輩可選而用之此理便之自出也或瘡痘正出有毒入大腸下利

黃赤膿血身熱而渴者以薤白湯三黃熟
艾湯解之此解其大毒而使之自出也於
斯三者或發或溫或解其毒其證不同再
審而用之也

麻黃湯治癆疹煩喘甚者主之

麻黃

去節

杏仁

去皮尖

甘草

炙

桑白皮

蜜炙各壹錢

右剉爲散用水七分煎四分溫服

若脉數有熱未退者入竹瀝少許
咽喉痛或嗽者煎熟入麝香少許
服之

乾薑甘草湯治瘡疹服冷藥太過咳嗽
手足冷脉遲者自利嘔吐

不食

乾薑

炮

甘草

炙各四錢

右剉爲散水一升二合煎至四合

去溼溫服

益黃湯

治瘧疹因煩燥渴水飲冷過多

暴傷脾胃或吐或瀉並宜服之

丁香

一撮

青皮

去穰
各等分

诃子

一撮

陳皮

去白
各等分

右爲細末每貼壹錢用水半盞煎
參分去查溫服

理中湯方見前十六條下

薤白湯治痞疼下利黃赤暍血及身熱

薤白切半盞

豆豉

壹盞

山梔子十枚

右用水五盞同煎薤白爛爲度去
滓量大小服之解去惡積也

三黃熟艾湯治痞疼止出似收未收下

利黃臭曬血身熱大渴宜

解其毒

黃芩

黃柏

黃連

熟艾

各等分

右用水一盞煎五分溫服加糯米
壹撮甘草壹分紫草參分

有令大便過者有當溫者有當下者
何第二十七

瘡疼傷寒傷食等病身有熱者如大便六

七日不通須令潤過非取其峻快也然亦當以外證參之如仲景論陽結陰結期四十七日方劇若其人不腹滿不裏急後重則亦不必攻之今言六七日令潤過者得氣道升降則無壅遏之患緣小兒脆弱身熱而大便不通者則易實大便自利者則易虛惟令得所最爲要法其有忽然溏瀉者須與理中湯丸輩以溫之又有出正

盛喘促腹滿小便赤手掌心并腋下有汗或譖言妄語而大便不通者當投小承氣之類以下之下後瘡子紅活諸證悉退者更不須再服也

理中湯方見前十六條下

小承氣湯痘瘡昏甚譖語妄言大便不

通手心腋下有汗目睛黃赤

喘急者宜用之

厚朴

五錢

大黃

壹兩

松實

六錢

右剉散用水一鍾煎五分量兒大
小溫服以利爲度如不利下芒硝
一字

已利而瘡痘出則不可再利者何第

二十八

飲食滋味雖能益人食之太過亦能害人

況烈毒剽悍之藥在已下之後其可再用乎且當其未出因熱勢大盛會利臟腑今瘡痘既出則內無壅滯明矣縱其熱尚熾但當解毒切不可更用利藥蓋實實虛虛古人之深戒雖然若使果令再利亦當更用但小其劑可也

大熱當利小便小熱當解毒者何第

二十九

大熱謂身熱脉實大小便祕津液燥而渴氣滿於胸中能食而不結膿疮瘍疘當此之際懼其變生他疾故利小便使心火有所引則雖不用冷藥熱亦自減去矣瘡痘不至熱過不爲冷誤甚爲良法小熱解毒之說謂小熱不解大熱必生利其小便則慮損氣故但可解毒而已利小便之藥導赤散爲上解毒之劑如玳瑁湯獨聖散

如聖紫草散犀角飲皆可選而用之嘗謂
古人治病其謹審如此彼不顧邪氣淺深
而輒妄下者得無愧乎

導赤散治瘡疹心經蘊熱睡臥不寧煩
躁而小便不利面赤多渴小兒
貪食乳者渴也

人參

木通

麥門冬

去心

生地黃

甘草

炙各等分

右爲麌末每服抄貳錢水一小盞
煎半盞去渣不拘時溫服

玳瑁湯
瘡疹未發者令內消已發者解
利毒氣令不太盛

生犀

生玳瑁

各以令水磨

右同攪令勻每服半合微溫服一
日四五服爲佳又治出而未快者

又云毒氣內攻紫黑色出不快用
玳瑁水磨濃汁壹合入豮猪心血
一皐子大以紫草濃煎湯作一服
服之玳瑁犀角性微寒治熱毒又
皆治瘧疫蠭瘴解百毒通血脉消
癰腫故用之以解蘊毒

獨聖散治瘡瘻早微熱晚大熱目黃脇

動身熱手冷發甚如驚

卽牛蒡僵蠭散

牛蒡子

半兩

白僵蠶

壹分

右爲麞末每服一大錢水六分紫草二十七寸同煎至四分連過三服其痘便出此藥用牛蒡子出癰透肌白僵蠶治遍身癰疥疼痛成瘡爲末酒調服之立瘥又以紫草煎之令利竅是瘡疹證無虛寒證者服之立出也

如聖湯治瘡疹毒攻咽喉腫痛

桔梗

炒鹽兩

甘草

炙鹽一兩

牛蒡子

壹兩

麥門冬

去心半兩

右爲細末每服貳錢沸湯點細細

呷服入竹葉煎尤妙

紫草散發斑疹消毒

釣藤鉤子

紫草茸

各等分

右爲末每服一字或五分溫酒調

下不拘時服

犀角飲解熱毒去風疹

犀角 五錢

甘草 炙五錢

防風 貳兩

黃芩 壱兩

右爲麌末每服五錢用水一小盞
煎至半盞去渣溫服不拘時候
又獨聖散治瘡疽陷人不發黑色而氣

欲絕服此漸蘇紅潤

穿山甲

湯洗淨炙令焦黃

右爲末每服五分入麝香少許煎
木香湯調下或紫草湯入酒少許
調服

又紫草如聖散瘡疹初出急服方喫乳

嬰兒與乳母兼服之四

五歲已外只令兒服

紫草

貳兩

陳皮

去白壹兩

右爲細末每服壹錢水一小盞入
葱白三寸煎至五分去粗溫服量
兒大小與服妙選方云瘡疹氣勻
卽出快紫草滑竅去心腹邪氣陳
橘皮快氣葱白發散而開泄腠理
也

誤服熱藥則損目冷藥則天傷者何

第三十

五臟平和能相資養一有太過不及則病從而生况人身難任非常之熱亦不堪非常之冷今瘡疹者是表裏俱熱而發出或助之以熱藥則其勢太過輕爲咽喉癰瘍之疾甚則熱盛生風風熱之毒炎上不已無不害目矣或抑之以冷藥則脾土無溫煖之氣腎水反勝爲黑靨爲陷伏遂致天傷不可不戒

有正瘡痘有膚疹者何第三十一

藏腑不同表裏有異膚疹瘡痘分別淺深六腑屬陽有熱則易出是以作膚疹一出卽遍滿肌皮之上如痈瘡細胞子見而便沒其所受氣淺故也五臟屬陰有熱則難出其爲瘡痘在肌內血脉之間必先發紅斑而後如豆故名瘡痘其所受氣深故也大抵暴熱而便出者必膚疹久熱而難出

者必是正瘡痘膿疹非正瘡痘也

傷寒熱毒發胞瘡相似者何第三十

二

傷寒熱邪在表裏未能作汗或當汗不汗
熱鬱於肌膚故發胞瘡色白或赤如火丹
頭作漿白膿者輕根下紫色隱隱在肌
內者重甚者五內七竅皆有之其形亦如
豆小兒肌肉嫩薄尤多此證亦非正瘡痘

也

冬溫發斑溫毒發斑者何第三十三

活人書云冬月溫煖觸冒寒氣至春始發病初在表或已汗或未汗表證未罷毒氣未散故發斑黑膏主之又冬月溫煖人感乖戾之氣冬末卽病至春或被積寒所折毒氣不得洩至天氣暄熱溫毒始發則肌肉斑爛癰疹如錦紋欬而心悶但嘔清汁

葛根橘皮湯主之小兒常多此病醫人不識妄亂調治寧不敗事此亦非正瘡痘也

黑膏

生地黃

四兩

淡豆豉

八兩

右二味以猪脂油壹斤合煎至濃
汁入雄黃五分麝香壹分攪勻丸
如彈子大白湯化下未効再服

葛根橘皮湯治瘡痘始發肌肉斑爛

癰瘍如錦紋而咳心悶
但嘔吐清汁服此

葛根

杏仁去皮尖

橘皮

去白

知母

麻黃

去節

黃芩

甘草

炙各等分

右件剉散每服抄參錢用水一盞
同煎半盞去粗溫服不拘時候

當先知節候陰陽臟腑虛實者何第

三十四

稟氣實者夏酷暑而不甚畏熱冬嚴寒而不甚畏冷稟氣怯者易寒易熱天寒陰雨則感寒濕而濡瀉天氣稍炎則伏熱而中暎是故先知節候者能辨陰陽寒暑之盛衰經云陽盛人耐冬不耐夏陰盛人耐夏不耐冬此亦知人稟受之不同且自立夏

氣變純陽。萬物盛大。治藥者用熱遠熱。如桂枝麻黃大青龍之輩。必加知母升麻石膏等藥服之。立冬氣合純陰。治藥者用寒遠寒。如用諸涼劑。服湯中病即止。不必盡劑。治瘡疹之法亦當知此。又如冬溫煖則虛者安而實者病。夏寒涼則實者安而虛者病。冬溫煖則夏寒涼。非節之氣來暴而去速。在人將攝之。如何耳。錢氏論瘡痘之

發以春夏爲順秋冬爲逆亦是以陰陽盛衰言之也

身疼者何第三十五

經云痒爲虛痛爲實內快外痛爲外實內虛外快內痛爲內實外虛又曰諸寒爲痛今瘡痘若身痛者是發作之時皮膚厚肉理密或爲外寒相搏故也投以勻氣去寒解肌透毒之劑爲妙不必外此而他求也

身痒者何第三十六

此有二證一則氣血不足其痒爲虛活血
散或四君子湯加黃耆枳殼主之一則不
能食淡以致發痒蟬蛻一物湯主之瘡痘
作痒深爲可慮能調和愛護勿令有此乃
爲上策

活血散

白芍藥

不拘多少
炒爲細末

右用溫酒調下凡瘧瘳不出或出而遲或倒曆者並宜服之

四君子湯加黃芪枳殼

人參

白术炒

白茯苓

甘草炙

黃芪

加

枳殼加

右用水一盞生薑三片煎四分溫

服

本草綱目

卷之二十一

主寒

蟬蛻一物湯

用蟬蛻二十一箇洗去泥爲末水
一盞慢火煎至半盞去滓量兒大
小溫服之如覺瘡疹已出便依前
服三五次不是瘡疹亦無害小兒
瘡疹欲發出加甘草壹錢五分煎
一盞旋旋與服以効小兒伏所蘊
積熱毒蟬蛻味鹹寒可以制況有

暴感風作熱客於表者蟬蛻亦治
風毒充於皮膚癩痒不止驚癇夜
啼癲疾寒熱驚悸皆宜服之

瘡毒入大腸者何第三十七

當發作之時其人或臟氣自脫或因服寒
藥致令瘡毒陷入大腸瀉下如豆汁或
便膿血或便黑汁殼赤如錢口內臭氣唇
焦目閉加腹脹者必死之證當急用實脾

煖胃之劑救之得大秘固瘡痘紅活亦死
中求生也

攻咽疼者何第三十八

心胃有熱上攻於咽乾澀而疼如兼口舌
生瘡齒浮齦腫者宜甘露飲水漿不入者
紫雪最妙如聖湯抱龍丸消毒飲皆可選
而用之已上證候須能令臟腑亦熱方可
用如上焦雖熱却覺小便清大便溏薄飲

食不進者當以清上溫下藥調下

甘露飲

解胃熱及小兒瘡瘍已發後餘

毒後餘熱溫壯齒斷宣腫牙疼

不能嚼物飯而不欲食煩熱面

黃及病後瘡瘍乳母俱可服

甘草

山茵陳

石斛

枳殼

炒

黃芩

枇杷葉

生地黃

麥門冬

去心各等分

右爲麩末每服抄貳錢水壹盞同
煎至八分食後溫服牙齒動搖牙
斷腫熱含漱并服

紫雪方見前十八條下

如聖湯方見前二十九條下

抱龍丸方見前十八條下

消毒飲治瘡口已出未能勻透毒氣壅

渴出不快壯熱狂躁咽喉壅塞
睡臥不安大便祕滯及治大人
小兒上膈壅熱咽喉腫痛胸膈
不利 治造與鼠粘子同但加

防風爲風粘子湯

牛蒡子

炒人兩一
名惡實

甘草

炙人兩

荆芥

生酒

右爲麌末每服壹錢水七分煎四

分去滓食後臨臥服之此藥治大
便秘澁是治裏熱故也况本草云
惡實味辛平其中治證治風腫治
暴食熱肉生風解丹石毒治咽喉
四肢風腫此性稍涼也爲瘡疹所
宜服者能透肌出癰瘍是以瘡疹
亦出也大便利則不可服

治入目方法者何第三十九

心熱盛則生肝風。肝主目，熱毒薰之，故爲目患。治以涼肝丸，洗以秦皮散，或因食毒物，睛突出者，宜僵靈脾散，暴赤腫毒者，宜導赤散。患半年一年餘者，宜蟬蛻散。成翳者，宜瓜萎散。歲靈仙散，目睛疼痛者，宜浮萍散。者，宜大黃散，貼之赤脉侵睛者，宜羚羊角丸。昏暗者，宜金花散。已上各隨證見之。

涼肝丸

治肝經熱盛急驚潮搐此藥去

其痰熱驚風自散慢驚不可服

龍膽草

參錢

大黃

煨五錢

當歸

五錢

川芎

五錢

羌活

五錢

防風

五錢

山梔仁

五錢

右爲末煉蜜爲丸如黃豆大每用
一丸砂糖竹葉湯化下

羊肝丸附

治痘瘡入目

羯羊肝

壹具生用黃連去鬚沙爲末

右先將羊肝去筋膜於石器內搗
爛入黃連末杵爲丸如桐子大每
食後量服二三十丸清茶下

秦皮散

治大人小兒風毒赤眼痛痒澁

眵淚昏暗羞明

秦皮

滑石

黃連各等分

右每用半錢湯泡乘熱洗

僵靈脾散治痘瘍入眼

僵靈脾

歲靈仙

各等分

右爲末每服半錢米湯調食後下
導赤散方見前二十九條下

蟬蛻散治痘瘍入目半年已過者一月

取効

蟬蛻去土取末
壹兩

猪懸蹄甲

或兩瓦罐內鹽泥
封固燒存性

右二味研細入羚羊角末壹分每

服一字乳後溫水調下百日外兒

每服半錢二三歲已上一二錢日

三服夜二服如患一年難治

爪萎散治心生熱熱則生風風屬肝二

臟相博風火相爭故發搐眼不

仁當瀉心肝宜用之

瓜萎根末貳錢 白甘遂末壹錢

右同於慢火炒焦黃研勻服一字
煎麝香薄荷湯調下不拘時

歲靈仙散卽仙靈脾散

浮萍散治痘疹入眼痛楚不可忍

右浮萍草陰乾爲末每服一二錢

用羊肝半片入盃內以竹杖刺碎

投水半盞絞汁調藥食後服之已
傷者十服九効

大黃散

用大黃末水調貼

羚羊角九治小兒腎虛宜肝腎明日

羚羊角

取末五錢

虎脛骨

醋炙黃五錢

生地黃

焙不見鐵五錢

酸棗仁

去皮五錢

肉桂

去皮不見火五分

防風

五分

當歸

五分

黃芪

五分

右爲末煉蜜丸如阜子大每服一
丸食前溫水化下日進三服

又羚羊角散治肝臟實熱眼目昏暗時

多熱淚

羚羊角

銚五錢

羌活

去蘆五錢

玄參

五錢

半夏子

五錢

黃芩

五錢

山梔仁

五錢

瓜萎 五錢

胡黃連 六分

菊花 參分

細辛 去苗壹分

右爲細末每服貳錢食後竹葉煎

湯調服

羚羊角 飲子 治黑翳如珠外障

羚羊角 壱兩

五味子

壹兩

細辛 壱兩

大黃

壹兩

知母 壱兩

芒硝

壹兩

防風
雨

右剉每服五錢水一盞煎五分去

滓食後溫服

此方宜斟酌用之不可輕率

又蟬殼散治眼目風腫及生翳膜等疾

蟬殼

壹兩

地骨地

壹兩

黃連

宣州者去鬚
壹兩

牡丹皮

去心
壹兩

白术

壹兩

蒼术

米泔浸切
壹兩

菊花

壹兩

龍膽草

五錢

甜瓜子半升

右爲細末每服壹錢五分荆芥煎
湯調下食後臨臥各一服治時疾
後餘毒上攻眼目甚効忌熱麪炒
豆醋醬等物

金花散

閻

聞人氏痘疹論卷二